

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

**Naalakkersuisunut apeqquteqaat:**

- 1) Royal Greenland-imi pisortaasut tusagassiorfimmut innuttaasunut sullissisumut KNR-imut oqaaseqarusunnatik nalunaaruteqarput, nunatsinnilu Sermitsiaq.AG taamaallaat apersorneqarnerminnut atorusullugu nalunaarput *“Royal Greenland KNR-imit apersorneqarumangilaq, nittartakkatigulli tusagassiorfimmit, Sermitsiaq.AG-imit apersorneqarnerminnut innersuussuteqarpoq”*, tassani Naalakkersuisut, tassa inuiaqatigiit piginnittut sinniisuitut, apererusuppakka sooruna nunatsinniittunit tusagassiorfiit allanit apersorneqarusunngitsut?
- 2) Suliffeqarfik inuiaqatigiit pigisaat, A/S suliffeqarnermut inatsisip (*selskabslov*) ataaniittoq, pisortaartoq massa inuiaqatigiinni tusagassiorfik annersaannut KNR-imut oqaaseqarusunngitsoq, taamaasilluni inuiaqatigiinni amerlasuut, tassa piginnittut, mattuteriarlugit Nunatsinni nutaarsiassaqarfik ataasiinnaq Sermitsiaq.AG atorusunnerannut Naalakkersuisut isornartutut isigaat?
- 3) Naalakkersuisut, Royal Greenland-imut piginnittuisa sinniisuitut, suliffeqarfik taanna, tassanngalu pisortaa Nils Kinnerup, inuiaqatigiit pigisaanni suliffeqarfittut pisussaaffeqartut, tusagassiorfinnut tutsuiginartunut, tassannga KNR-imut, politikernertut nipilimmik oqaaseqarsimaneranut toqqaannartumillu Nunatta aalisartuinut aningaasatigut siorasaarisutut nipilimmik oqaaseqarsimaneranut tusagassioriaatsit atorlugit itisiliiniartoqarnissaanut pisussaaffeqarneranut Naalakkersuisut isumaqarpat?
- 4) Inuiaqatigiit pigisaanni, tassa Nunatta inuisalu pigisaanni suliffeqarfimmi, pisortaasoq uani pineqarmat, inuttullu tamanut saqqumisutut inissisimasuulluni, ilaatigullu nunatsinni pissutsit qanoq issanerannut oqaaseqartuummat, paaserusuppara pisortaagallartoq pineqartoq Nils Kinnerup (Royal Greenland) Kalaallit Nunaanni najugaqarnersoq nunatsinnilu akileraartarnersoq?

- 5) Pisortaaup isornartumik oqaaseqarsimanera, tassannga tusagassiorfinnut ammasumik apersorneqarsinnaanissaminut aalajangersimalluni mattussinera, ilaatigut KNR-imut, Royal Greenland A/S-imi Siulersuisuinit anngunneqarumaarpa?

(Inatsisartunut ilaasortaq Doris Jakobsen Jensen, Siumut)

**Tungavilersuut:**

Isornartorsiungaatsiagassatut isigaara, inuiaqatigiit pigisaanni suliffeqarfitsinni pisortaaup ataatsip inuiaqatigiittut tusagassiorfitsinnut oqaaseqarusunnani mattussuina, ingammik taamak sakkortutigisunik oqaaseqarsimatilluni, ilaatigut inuiaqatigut aalisartut ikilisarniaanerinit sipaarniarfigineqarneranullu oqaaseqarsimalluni, imatut oqarmat:

*“Royal Greenland KNR-imit apersorneqarumannigilaq, nittartakkatigulli tusagassiorfimmit, Sermitsiaq.AG-imit apersorneqarnerminnut innersuussuteqarpoq”*

- *“Erik Jensen ilorrisimaarani uparuaasoq: Royal Greenlandip ataatsimoorneq eqqaamassavaa”*

KNR, 8. februar 2023, nal. 07:58, link:

<https://knr.gl/kl/nutaarsiassat/erik-jensen-ilorrisimaarani-uparuaasoq-royal-greenlandip-ataatsimoorneq-egqaamassavaa>

Apequtigineqartut nutsersimaneri nalornissutigineqassappata kalaallisut allaqqasortaa aallaavigineqassaaq. Apequtigineqartut ullut suliffiusut qulit (10) iluanni akeqquneqarput.